



## In hierdie uitgawe...

### Voorblad:

[www.hervormer.co.za](http://www.hervormer.co.za)

### Kerknuus:

Beroepenuus

Nuus van predikante

Gemeentenuus

Kennisgewings en advertensies

Agterblad


# eHervormer

[www.hervormer.co.za](http://www.hervormer.co.za)

## Voorblad

**Die Hervormer se webblad:**

**[www.hervormer.co.za](http://www.hervormer.co.za)**



Die e-Hervormer is gekoppel aan *Die Hervormer* se webwerf wat sedert Januarie 2008 bestaan. Die voordeel van hierdie webwerf is dat dit 'n wêreld van moontlikhede tot beskikking stel vir die verspreiding, bemaking en relevansie van die e-Hervormer asook vir *Die Hervormer*.

Die amptelike mondstuk van die Nederduitsch Hervormde Kerk kan nou letterlik 'n stem word wat wêreldwyd gehoor kan word. Die beplanning is om hierdie webwerf met verloop van tyd verder uit te bou om effektiewe kommunikasie binne sowel as buite die Kerk te dien. Op die *Agterblad* word hierdie webblad in fyner besonderhede bekendgestel.

### Kontakbesonderhede:

#### Webwerwe/skakels:

Webblad van die Hervormde Kerk -

[www.nhk.co.za](http://www.nhk.co.za)

Hervormer webwerf -

[www.hervormer.co.za](http://www.hervormer.co.za)

e-Hervormer -

[www.hervormer.co.za/page03.html](http://www.hervormer.co.za/page03.html)

Hervormer LIG! -

[www.hervormer.co.za/page04.html](http://www.hervormer.co.za/page04.html)

#### Eposadresse:

Redaksie -

[epos@hervormer.co.za](mailto:epos@hervormer.co.za)

Nuus en berigte -

[nuus@hervormer.co.za](mailto:nuus@hervormer.co.za)

### Inhoud:

Die e-Hervormer word uitgegee onder redaksie van *Die Hervormer*. Alle artikels, advertensies en kennisgewings is onderhewig aan goedkeuring deur die redaksie.

### Teken in op e-Hervormer...

Teken in op e-Hervormer en ontvang elke uitgawe per e-pos!

Stuur 'n e-pos na [epos@hervormer.co.za](mailto:epos@hervormer.co.za) of besoek die webwerf by [www.hervormer.co.za](http://www.hervormer.co.za) en klik op die 'Teken in'-opsie.



## BEROEPENUUS

### ► Beroep ontvang

Ds GFJ Beukes van Johannesburg-Suid (deelyds) na die kombinasie Belfast/Dullstroom (deelyds).



### ► Beroep aanvaar

Ds BC Oberholzer van Otjiwarongo/Outjo na Messina/Van Warmelo.



### ► Beroep bedank

Ds CEC Hertzog van Middelburg-Noord na Verwoerdburg.


## NUUS VAN PREDIKANTE

► **Ds Pierre de Beer**, predikant van Vredefort, is op 26 Februarie, terwyl hy besig was met huisbesoek, aan 'n hartaanval oorlede. Hy laat sy vrou Helena en twee kinders, 'n seun en 'n dogter, agter. Ds De Beer was 53 jaar oud. Die begrafnis vind plaas op Vrydag 29 Februarie vanuit die moedergemeente Potchefstroom om 14:00. *Predikante wat die begrafnis bywoon, word versoek om togas saam te bring en in die konsistorie aan te meld.*

► **Ds Johan du Preez** se broer is onlangs oorlede. Ds Du Preez wil graag sy dank betuig aan almal wat hom en sy familie bygestaan het in dié moeilike tyd. Hy betuig veral dank vir die finansiële hulp.

## GEMEENTENUUS

■ **Rustenburg-Tuine** wag die aansoeke in van predikante om die vakante tweede standplaas te vul. Dit is 'n volledigversorgde standplaas. Belangstellendes moet asseblief 'n verkorte CV en 'n bekendstellingsbrief saam met aansoeke instuur na: Die Skriba, Gemeente Rustenburg-Tuine, Posbus 20020, PROTEAPARK 0305. Aansoeke sluit op 15 Maart 2008.



■ **Brakpan-Harmonie** wag die aansoeke in van predikante vir die vakante standplaas. Dit is 'n volledigversorgde standplaas. Belangstellendes moet asseblief 'n verkorte CV en 'n bekendstellingsbrief saam met aansoeke instuur na: Die Skriba, Gemeente Brakpan-Harmonie, Posbus 3628, Dalview, 1544. Aansoeke sluit op 31 Maart 2008.

■ **Brackenhurst** wag aansoeke in ten einde die volgende vakature te vul:

#### **Benoemingspos**

##### *Posbeskrywing*

- Ontwikkel, bevorder en bestuur die missionêre gerigtheid van die gemeente.
- Die bestuur, bedryf en ontwikkeling van die bediening in die Gemeente.
- Die ontwikkeling, bestuur en bedryf van 'n effektiewe jeugbediening in die gemeente.

##### *Vaardighede*

- Die kandidaat moet 'n gemotiveerde selfbeginner wees met 'n grondige kennis van bestuursbeginsels (beplanning, organisering, leiding en beheer);hy/sy moet beskik oor goeie organisatoriese vermoë en taalvaardigheid, en moet goed met mense oor die weg kom.
- Die persoon is verder 'n "spanspeler" wat sonder toesig kan werk.

##### *Verantwoordelikhede*

- Die persoon sal verantwoordelik gehou word vir die effektiewe bestuur en bedryf van die drie dimensies van die gemeente se bediening.
- Die persoon moet op die hoogte bly van tersaaklike literatuur wat op die gebied van die drie terreine beskikbaar is en verskyn.
- Die persoon sal verantwoording doen en verslag lewer aan die Werkgroep Kerkbestuur en sal in die vergadering sitting hê.

##### *Versorgingspakket*

- Kontantraktement: R200 000 per jaar.

Die pos is 'n benoeming vir een jaar, met die bedoeling dat dit so gou moontlik na 'n volversorgde standplaas opgegradeer sal word.


Meer besonderhede kan verkry word by:

- Predikant: ds Gys Els, telnr 011 867 4995 / [gels@mweb.co.za](mailto:gels@mweb.co.za)
- Adminbeampte: Suzette van Oudtshoorn, telnr 011 868 3625 / [nhkbrack@ananzi.co.za](mailto:nhkbrack@ananzi.co.za)
- Skriba: Hannes Liebenberg, selnr 082 824 7456 / [h.liebenberg@techmet.co.za](mailto:h.liebenberg@techmet.co.za)

Die Werkgroep Kerkbestuur wag CV's in en sal tydens sy vergadering van 31 Maart 2008 besluit wie vir onderhoude genooi sal word.

■ **Pretoria-Wes** benodig dringend 'n orrelis. Vergoeding volgens Kerkriglyne, kwalifikasies en ondervinding. Rig aansoeke aan Gemeente Pretoria-Wes deur dit óf te e-pos na [nhkpretoriawes@nhk.co.za](mailto:nhkpretoriawes@nhk.co.za) óf te pos na Posbus 19240, Pretoria-Wes 0117. Die gemeente kan gekontak word by 012 327 2323.

■ **Vanderbijlpark** se kerkraad en gemeente het op Donderdagaand 26 Februarie met lede van die Taakspan en die ringskommissie van Vereeniging gesprek gevoer oor die toekomstige bediening in die gemeente. Onder leiding van die ringskommissie sal daar die volgende drie maande spesifiek en intensief oor die saak gehandel word.



- **Die Gemeente Swellendam** is op 16 Junie 1958 gestig en is dus vanjaar 50 jaar oud.

Die feesviering begin die naweek van 24 Februarie 2008 wanneer die gemeente se erediens plaasvind op **Landplaas**. Dit is waar die eerste Hervormde erediens in die geweste gehou is deur ds André Brandt, destyds van Kaapstad. In 1958 het die huis op Landplaas leeggestaan en is dit vir erediens gebruik, maar dit word tans bewoon deur Loutjie en Amaré Swart, lidmate van die gemeente. Op Sondag 24 Februarie sal die erediens onder die groot bloekombome op die werf plaasvind, waarna 'n gedenksteen deur stigterslede onthul sal word.



Die groot feesviering vind plaas op 14 en 15 Junie 2008. Oudlidmate en ander belangstellendes kan met ds Thomas Joubert skakel vir meer besonderhede: 028 5141546 of [swellendam@nhk.co.za](mailto:swellendam@nhk.co.za)

## Advertensies en kennisgewings

### ● **Zimbabwe-bediening**


Die bedieningskomitee is op soek na bruikbare tafels en rakke vir die stoor van voorrade. Kan iemand dalk help? Indien wel, skakel asseblief met dr Fanie Pretorius by die Kerkkantoor, 012 322 8885.

Ds Colin Hertzog en verskeie lidmate vertrek vanaf 29 Februarie tot 2 Maart met 'n aantal voertuie om kosvoorrade na Zimbabwe te neem voor die verkiesing. Die normale besoek in Maart deur ds en mev Thys Redelinghuys na Harare en ds Richard van der Westhuizen na Bulawayo sal ook steeds plaasvind.

● **Die Kommissie van die Algemene Kerkvergadering** vergader op 6 en 7 Maart. Tydens die vergadering sal onder meer die volgende sake hanteer word:

- Die ondervraging van die finalejaar teologiese studente met die oog op toelating tot die evangeliebediening.
- Gesprek met die NHSV Hoofbestuur oor hulle strategiese beplanning.
- Benoeming van die Proponentseksamenkommissie en sekundi vir die Kuratorium.
- Aansoeke van voormalige predikante om hertoelating tot die evangeliebediening.
- Aansoeke van predikante om van lewenstaat te verander, om losgemaak te word uit standplase met behoud van ampsvoorreg, en om emeritaat.
- Verskeie aangeleenthede wat die ampte raak.
- Beplanning vir die bywoning van ringsvergaderings vir 2008.
- Verskeie versoeke van gemeentes oor 'n verskeidenheid sake.
- Die bediening van lidmate in Zambië, Namibië en Wene
- Skrywes oor die toeganklikheid tot argivalia.
- Verskeie aangeleenthede rondom ekumeniese betrekkinge. Die GER en WARC staan veral op die voorgrond.
- 'n Memorandum oor tuisonderrig, geskryf deur prof Ferdi Potgieter.
- Verskeie aangeleenthede wat deur die Raad van Finansies aan adres van die Kommissie gerig is.
- Die samestelling van die studiekomitee oor die verkleining van die Algemene Kerkvergadering.

● **Die gesamentlike vergadering** van die Kommissie van die Algemene Kerkvergadering, die Kuratorium, die Dosentevergadering, AIM, die Hervormde Teologiese Kollege en die Proponentseksamenkommissie vind plaas op Donderdag 6 Maart om 14:00 by die Kerkkantoor.



## ● Die NHSV-Noordwesstreek bied aan: Navi Redd

**Datum:** 19 Maart 2008

**Tyd:** 18:30 vir 19:00

**Plek:** Gemeente Potchefstroom

**Koste:** R50p/p

**Ten bate van:** Blankearmoedefonds

**Kontak:** Ds Tharina Steenkamp 082 336 1916 of mev Adri Botha 082 403 5051

## ● Beraad oor armoede – Woensdag 5 Maart

AIM en die Kommissie van die ADV het besin oor die sinvolheid en die effektiwiteit van die werk wat die kerk reeds doen om armoede te help verlig. Alle belangstellende lidmate en ampsdraers word uitgenooi na hierdie beraad om hulle standpunte en belewenisse te kom deel. Die volgende vrae sal aan die orde gestel word:

- Hoe sien die situasie van armoede tans daar uit? Hier sal onder andere gefokus word op die nuutste statistieke wat beskikbaar is. Verhale van hoop en wanhoop sal deur kundiges met die beraad gedeel word.
- Daar sal saam gesoek word na 'n Bybels-teologiese besinning oor die Kerk se verstaan van armoede asook oor die Kerk se verantwoordelikheid ten opsigte van die mense wat elke dag in armoede leef.
- Daar sal krities gekyk word na die effektiwiteit van armoedeverligtingsprogramme wat tans deur die Kerk bedryf word. Die groot vraag is of die Kerk die probleem instandhou en of die Kerk werklik 'n verskil maak in arm mense se lewens oor die langtermyn.
- Die beraad sal poog om na die aanvanklike evaluering weer op aksiestappe te besluit wat die Kerk se bestaande armoedeverligtingsprogramme kan hervisioneer.
- Daar sal gepoog word om vanuit hierdie beraad ander akademië en internasionale vennote soos byvoorbeeld die Hendrik Kramer Instituut in Utrecht te betrek.
- Hierdie beraad moet bydra tot die groei en die bloei van die missionêre diakonaat.

**Die beraad vind plaas op 5 Maart 2008.**

**Tyd:** 9:00-17:00

**Plek:** Gemeente Oos-Moot in Waverley

Indien u die beraad wil bywoon, kan u plek bespreek by **dr Wilhelm Coetzer by 012 322 885 of prof Natie van Wyk by 082 448 4759.**

## ● WEN 'N FANTASTIESE WEEK VIR 4 PERSONE!

**Fondsinsamelingsprojek - NHK Richardsbaai**

Wen 'n fantastiese geleentheid om saam met 3 vriende 'n wonderlike week in Sodwana deur te bring.

3 dae hengel op die oop see, 1 dag in die Mkuze-wildtuin, met 'n braai en, 2 dae om u eie ding te doen.


Strandhengel, perdry, 4-wiel motorfietsritte, swem of net kuier.

Gratis akkommodasie by 'n Lodge vir 4 persone vir 7 nagte. Bring slegs u eie kos en drinkgoed. Arriveer op 12 April en vertrek op 19 April 2008. SLEGS 100 KAARTJIES BESKIKBAAR!

**Trekkingsdatum:** 15 Maart 2008. Waarde van prys: ongeveer R22 500


**Koste per lootjie:** R500. Kontak Juanette vir verdere besonderhede en kaartjieverkope.

Sel 083 218 7352



# Suid-Afrikaanse Kerkorrelistevereniging

(Gestig 1980)



## Voltooide projekte

SAKOV onderneem elke jaar 'n spesiale projek vir sy lede. Dit behels die beskikbaarstelling van boeke en CD's. Daar is nog voorraad beskikbaar van SAKOV se 2002-, 2004-, 2005- en 2007-projekte.

### BESTELVORM

Ek bestel hiermee onderstaande publikasies van SAKOV teen die aangegewe pryse (verpakking en posgeld ingesluit):

- |   |                  |
|---|------------------|
| • 2002 Nuwe inleidings, harmonisasies, naspele en verwerkings vir die Liedboek van die Kerk. (Vol. 1) 48 ble. R45 | <u>Ja/NeeR45</u> |
| • 2004 CD: God is my lied. 32 opnames van Liedboekliedere met tradisionele pyporrelbegeleidings. 74 min. R65      | <u>Ja/NeeR65</u> |
| • 2005 Inleidings, harmonisasies, verwerkings, naspele van die Kerklied. (Vol. 2) 64 ble. R45                     | <u>Ja/NeeR45</u> |
| • 2007 CD: Ek is bly ek ken vir Jesus. Sang uit Liedboek van die Kerk deur SA Kinderkore. 50 min. R65             | <u>Ja/NeeR65</u> |

**Totale bedrag: R.....**

Naam:.....

Adres:.....

Poskode:.....

Stuur asb u bestelvorm en tjek/bewys van direkte inbetaling na onderstaande adres.

### **Bankbesonderhede:**

Rekeningnaam: SAKOV Instansie: ABSA Takkode: 632005 Tjekrekeningnommer: 0290 810 574

---

POSBUS 12817 - QUEENSWOOD – 0121 ☎ 083 447 2245 📠 086 646 9015 📧 [anneli.roux9@gmail.com](mailto:anneli.roux9@gmail.com)  
[www.sakov.org.za](http://www.sakov.org.za)

## ● **Evaluering van voornemende teologiese studente**

Die evaluering van **voornemende teologiese studente** vind op 11 April 2008 plaas.

**Matrikulante asook persone wat reeds gematrikuleer het**, kan aansoek doen vir evaluering om as student van die Kerk te studeer.

**Plek:** Fakulteit Teologie, Universiteit van Pretoria

**Datum:** Aprilmaand van elke jaar


### **Aansoekvorms kan aangevra word vanaf:**

Die Administrateur, Kuratorium vir die Teologiese Opleiding

Posbus 2368

PRETORIA 0001

Telefoonnommer 012 420 5393; Faksnommer 012 420 4303; E-posadres: [betsie.brits@up.ac.za](mailto:betsie.brits@up.ac.za)



## DIE 45STE NASIONALE KONGRES VAN DIE NEDERDUITSCH HERVORMDE SUSTERSVERENIGING VIND PLAAS OP 3, 4 & 5 JULIE 2008 IN DIE AULA, UNIVERSITEIT VAN PRETORIA, LYNNWOODWEG 264, PRETORIA.

DIE EREPRESIDENT, ERELEDE VAN DIE VERENIGING, PREDIKANTSVROU WAT DEUR HULLE ONDERSKEIE TAKKE AFGEVAARDIG IS, VOORSITTERS VAN TAKKE WAT NIE PREDIKANTSVROU IS NIE, VROUEPREDIKANTE VAN DIE KERK WAT DEUR HULLE TAKKE AFGEVAARDIG IS EN HOOGSTENS TWEE AFGEVAARDIGDES VAN ELKE TAK, LEDE MET ADVISERENDE STEM (WAARNEMERS), LEDE MET SPREEKREG (ALLE BELANGSTELLENDENDE VROUELIDMATE) EN DIE ADMINISTRATEUR VAN DIE KERK OF SY VERTEENWOORDIGER, WORD HIERMEE NA DIE NASIONALE KONGRES OPGEROEP.

## Agterblad

[www.hervormer.co.za](http://www.hervormer.co.za)

Die webwerf van *Die Hervormer* is in Januarie 2008 geaktiveer met die volgende doelwitte:

- Om 'n elektroniese tuiste te skep waar die e-Hervormer gesetel kan wees.
- Om verdere moontlikhede aan *Die Hervormer* te bied ten opsigte van verspreiding, bemaking en relevansie in die elektroniese wêreld.
- Om die jeug in 'n eietydse medium te betrek by die nuus en bedieninge van die Hervormde Kerk.
- Om 'n interaktiewe medium vir kommunikasie van nuus, gebeure en gesprekke te vestig.



By die invoer van die adres [www.hervormer.co.za](http://www.hervormer.co.za), word u welkom geheet by die *Voorblad*, waar drie opsies gestel word:



Klik op hierdie skakel om die nuutste weergawe van *Die Hervormer* in PDF-formaat af te laai. Hier vandaan gaan u 'n verdere opsie sien om ook vorige uitgawes van *Die Hervormer* (sedert Januarie 2008) af te laai. Indien u nie oor 'n PDF-leser beskik nie, is daar ook 'n skakel om 'n gratis PDF-leser van die internet af te laai.



Hierdie skakel herlei weer na 2 opsies, die eerste laai die nuutste e-Hervormer in PDF-formaat af. Die tweede opsie wat u kan uitoefen, laai 'n drukkersvriendelike weergawe van e-Hervormer in PDF-formaat af. (Hierdie weergawe bestaan hoofsaaklik uit swart teks, sonder grafiese materiaal en foto's). Ook hier kan u enige vorige weergawe opsoek en aflaai.



Hervormer - *Lewe in geloof* (LIG) is veral gefokus op die jeug. Daar is skakels soos, *Kuierplek*, *Nuus*, *Jongspan* en *Naby God*, wat elk poog om in 'n behoefte van ons jeug te voorsien. Die hoop is dat jongmense gereeld hier sal kom deelneem aan gesprekke oor nuus en ander relevante geloofsake. Die blad belooft om vars en op die hoogte te bly!

Gaan maak gerus 'n draai by [www.hervormer.co.za](http://www.hervormer.co.za) of volg die Publikasiesskakel op die Kerk se webwerf [www.nhk.co.za](http://www.nhk.co.za) en laat ons weet wat u dink by [nuus@hervormer.co.za](mailto:nuus@hervormer.co.za)

